

# Pembangunan strategik menyejahterakan rakyat Johor



Datuk  
Dr. Sahrudin  
Jamal  
Menteri Besar Johor

Tanggal 11 Julai 2019 adalah hari yang sangat bermakna bagi negeri Johor. Ini disebabkan Johor negeri pertama dikunjungi Datuk Seri Mohamed Azmin Ali, Menteri Hal Ehwal Ekonomi. Beliau dalam rangka lawatannya ke seluruh negara untuk mendapatkan input bagi menggalakan pelan pembangunan di bawah Rancangan Malaysia Ke-12 (RMKe-12).

Dalam majlis pelancaran RMKe-12, beliau menekankan tiga dasar utama iaitu pemerkasaan ekonomi, kelestarian alam sekitar dan kesejahteraan sosial serta amalan tadbir urus yang terbaik. Dalam pada itu, kerajaan negeri Johor sedang dalam peringkat akhir merangka Pelan Pembangunan Mampu Johor 2019-2030.

Sebenarnya pelan ini menggambarkan idea, pemikiran dan gagasan barisan kepimpinan kerajaan negeri untuk meneruskan kelangsungan pembangunan strategik yang menyeluruh di Johor. Pelan pembangunan ini bertepatan 'Negeri Johor Berprestasi Tinggi, Bangsa Johor Bestari'.

Menerusi pelan ini, kerajaan negeri berhasrat melonjakkan Johor menjadi sebuah kuasa ekonomi yang disegani di peringkat nasional dan global, selain memberi penekanan kepada pembangunan modal insan yang progresif, berinovasi dan bestari.

Untuk menajayakan hasrat itu, Johor terus berusaha menarik lebih ramai pelabur asing dari seluruh dunia. Sejak sekian lama, Johor menjadi destinasi utama pe-

laburan asing kerana kemerauan dasar kerajaan dan kesegaran pertumbuhan ekonominya.

Natijahnya, negeri Johor menerima nilai kelulusan projek perkilangan (pembuatan) tertinggi dari 2013 hingga 2018 iaitu sebanyak RM145 billion, berbanding keseluruhan jumlah kelulusan diterima negara sebanyak RM408 billion.

Jumlah ini menunjukkan 35 peratus nilai pelaburan negara di sektor ini disumbangkan dari negeri Johor. Lebih menarik lagi, nilai kelulusan bagi projek perkilangan (pembuatan) negeri Johor pada 2018 menunjukkan sebanyak 76 peratus diterima dari pelaburan asing yang mencerminkan keyakinan pelabur asing terhadap senario ekonomi di negara ini khususnya di Johor.

Pada 2018, Johor terus kekal sebagai antara negeri penyumbang di Malaysia dengan jumlah dagangan berdasarkan pintu keluar dan masuk sebanyak RM 395.7 billion. Seterusnya, Johor terus kekal antara negeri yang menjadi penyumbang utama kepada pertumbuhan ekonomi Malaysia dengan pencapaian Keluaran Dalam Negara Kasar (KDNK) 2018 sebanyak RM117 billion bersamaan 9.5 peratus dari nilai KDNK di peringkat nasional.

Di sebalik senario ekonomi dunia yang tidak menentu, KDNK Johor diunjur mengalami pertumbuhan sebanyak 5.2 hingga 5.5 peratus pada 2019 dengan asas kepelbagaian sumber ekonomi negeri. Dalam pada itu, Johor juga menggalakan rakyatnya terbahagi dengan program ekonomi baharu termasuk keusahawanan digital dan ekonomi kreatif.

Tentunya ia membabitkan golongan muda yang mempunyai pemikiran kreatif dan inovatif. Dalam menajui pembangunan yang seimbang dan menyeluruh bertunjangkan kesejahteraan bangsa Johor, program keusahawanan di-

gital diperkenalkan dan diperluaskan.

Pada 2017, Johor mencatat pendapatan daripada transaksi e-dagang sebanyak RM49.8 billion, menjadikannya sebagai negeri ketiga selepas Selangor dan Wilayah Persekutuan Kuala Lumpur.

Berdasarkan perspektif sejarah, Johor diletakkan dalam kalangan negeri-negeri maju di Malaysia. Jelasnya, barisan kepimpinan terdahulu meletakkan Johor di hadapan dengan pelbagai dasar dan program pembangunan di seluruh negeri.

Misalnya, sebelum 2018, ada dua pelan pembangunan dinamakan gagasan Johor Berkemajuan dan Pelan Pertumbuhan Strategik Johor bagi memperkasa pembangunan inklusif Johor. Justeru, pelaksanaan Pelan Pembangunan Mampu Johor 2019-2030 amat signifikan kerana ia mempunyai kaitan dengan kadar pertumbuhan ekonomi negeri, kestabilan pelaburan asing, penawaran peluang pekerjaan, kestabilan politik, keharmonian sosial dan pembangunan yang progresif.

Apa yang lebih penting, pengubahan pelan jangka sederhana panjang ini akan memandu seluruh barisan kepimpinan kerajaan negeri dan jentera pentadbiran kerajaan negeri untuk merealisasikan strategi pembangunan di seluruh Johor.

Menerusi teras pemerkasaan ekonomi, kerajaan Johor berhasrat untuk menjalankan program pembangunan wilayah yang lebih strategik. Agensi persekutuan seperti Pihak Berkuasa Wilayah Pembangunan Iskandar (IBWA) dan Majlis Pembangunan Wilayah Ekonomi Pantai Timur (ECER) dipertanggungjawabkan menjalankan pelbagai inisiatif bermakna tinggi di beberapa daerah di Johor.

Libat 2/19/19